



حركة التحرير الوطني الفلسطيني - فتح  
إقليم استراليا



## تمرّة رمضان

العدد رقم ١٧

### الكنافة

(وأشهرها الكنافة النابلسية)  
مكوناته الأساسية : عجينة كنافة  
خاصة + جبنة بيضاء + سمّة +  
صبغة لون برتقالي + قطر  
للتحلية + فستق حلبي ناعم  
للتزيين.



### ماء السلسبيل

وهو ماء الجنة . يعني أن ماءها  
كالزنجبيل الذي تستلذ به العرب سهل  
المساغ في الحلق وينبع في الجنة من  
عين تسمى سلسبيلا . يقول تعالى في  
الآية رقم ١٨ من سورة الإنسان: جسم الله  
الرحمن الرحيم (عيناً فيها تسمى  
سلسبيلا) صدق الله العظيم

### شراب القرفة

من المشروبات الساخنة  
ومكوناته : مسحوق قرفة أو عيدان قرفة + ماء مغلي +  
سكر + جوزة الطيب مطحون + قرنفل مطحون.





حكاوي ستي

## حروف الهوا

تيتا مشين الله تعلمني إيش بتعملي بتخلي أبوي إجيب طلباتك من غير ما تطلبين وإمي بتحط الغرض وبعد شوي بتعرف إذا عجبك وإلا لا حتى مع مين من الضيوف بدك تقعدني وإيمتي قال بتعسي وبتروحي بشوي شوي وعلى الهدى بتنسحبي لا حدا بزعل منك ولا إنتي بتزعلي حدا كل هانظا بدون حكي يعني على النصت، وأما أنا بضلني أحكي وأغلي وبننبح صوتي وتعجز أفكاري وبالآخر ما حدش برد علي ولا حدش بسأل بزعلي بس مرات بيجوا يراضوني وهم بقولوا لي إنه عقلي زغير وأنا غلطانة بس بمون وبعطوني إللي بدي إياه فأنا بدي أتعلم منك كيف بتعملي وإنتي تيتا حبيبتي. والله يا ستي إنتي بزبطش معك الحكي بحروف الهوا، هاي كلها حروف خجلانة وعلى مخدة الحيا نايمة حروف عينها بالأرض وجناحها مكسور قاعدة مش مجبورة ولا معزومة هي سدر الدار صورة قهوتها دايمًا بتجمع الحبايب، لما حدا يجيب لك غرض قولي يسلمه وما نعدم هالطلة حتى لو كان الغرض مش على هواكي، ولما يكون عندك وما تلبسيه ولا تفرجيه للناس بعرف إللي جابه أنه الغرض مش على هواكي بقوم يشوفك بعين وساع بصير يدقق أمنيح تا يعرف إيش إللي بيرضيك وهيد لحد ما يحفظ اطباعك، وإللي بطلب بلساته الغرض فيه حيانة . حلاوة الهدية تكون لا على البال ولا على الخاطر تيجيكي صدفة بتكون فرحتها كبيرة ولو كانت زغيرة بتحسي إنك ملكتي الدنيا كلها، ولا يكون بالك لو سكتي وما طلبتي إنه أهلك ما رح يشترى لك أغراض وهدايا بتكوني هيلة ومش فاهمة الدنيا. أما شغل الأكل يا فصحة سهلة في أكل قلبي بشتهيه وبوكله لو إني شبعانة وفي ناس بحب أواكلهم حتى لو كنت شبعانة وفي أكل هم وناس غم الشاطرة إللي لا بتقول إنه مش زاكي ولا ما بحبه بس بتقدري تحكي: مش عارف مالي تعبت شوي بعد إنكم وبتتهربي لأنه تعبتني وهيد ما بزعل منك لا يمكن يحطوا لك شوي منه على جنب لما ييجي عبالك بتوكلي أو بتكبيه ولا من شاف ولا من دري.





حركة التحرير الوطني الفلسطيني - فتح  
إقليم استراليا



خرافية

### شيخ إمه

كان يا مكان يا سامعين يا كرام مرا بدوية اسمها عدسة أبوها زوجها لابن عمها سالم زي ما هي سوادي العرب، وبعد إيام من دخلتها صارت عراق وهواش وكبرت الطوشة بين الإزلام وصاروا فزيرة يبعدوا بينهم وبالأخير جابوهم كلهم لعند الشيخ إللي سمع من الكل بعدينش حكم على سالم إنه يجلي عن ربه سنتين لأنه معتدي وهيد جزاته، رجع سالم على خيمته وشافت عدسة خيبته وبلشت كل عيلته يهلوا عليه يودعوه ويعطوه العونة، إشي جاب من حلالهم خرفان وسخول وإشي جاب شوالات قمح ورز وجميد وهيد لصار جاهز للجلي يعني يرحل عن العرب بس يضلله قريب، يعني بنزار بس ممنوع هو يزور، حمل حاله وسار بأهله شرقا على بعد نص إنهار من أهله نصب خيامه وعمل حواطية للحلال قريب من بئر مهجور، وهيد عاش وحيد بعيد عن ربه.

مرة من المرات لفي عليه زلمة مريض وإنتخاه يساعده قام سالم فرش له وراح جاب له حكيم وضله يدادي فيه لحد ما رجعت له صحته، بعديها بكم يوم طلع سالم يرعى حاله وضل الغريب بالخيمة، وشوي شاف عدسة وصار بده يعمل معها العاطلة وهي دفشته وقالت له: هاظا جزاتنا داويناك وجاي هالوقت تتعدى علينا، وتركته وفاتت على خيمتها تبكي جرحها لأنها وحيدة بلا أهل، ولما رجع سالم شاف الغريب قاعد زعلان وما بده يوكل من أكله وقال له: أنا خفيت ولزوم أرجع لأهلي، قام سالم أعطاه من عنده كم غنمة وحصان وشوالين طحين، وراح الغريب لعند أهله وقال إهم: سالم وحداني وخيره كثير إنطب عليه بنقتله وحلاله ألكم وأنا بدي عدسة إلي، شدوا خيولهم وإيش بدها تعمل الشطارة قدام الكثرة قتلوا سالم وأخذوا حاله، أما عدسة فقالت أهلي يفدونني: بعثوا طارش لأهلها وأهلها بعثوا عشرة جمال وحرروها لأنها عيت موت (رفضت بشكل قاطع) أن تتزوج قاتل سالم.

عند أهلها ولدت وأكيد اسمه حاضر لأنه إللي بموت أبوه بحمل اسمه وصار سالم يكبر يتعلم شغل الفرسان بس كل ما يبجي بده يطلع مع الزلام لغزو أو صيد يقولوه إنت مدمي ورقبتك مفكوكة وهو يزعل ويرجع على إمه يطلب منها اسم قاتل أبوه تا يوخذ ثاره ويريح دمات أبوه المغدور، وهي تطلب منه يتعلم ويتقوى وصار يضرب بالسيفين ويبعبي الطبنجة بساع وأكثر من هاظا صار فارس مهيب كل عربيه يحبوه ويريدوا يعاونوه، ومرة تجمعوا صحابه باب خيمة إمه وترجوها يا خالة عدسة دلينا على قاتل سالم وهاظا ثارنا كلنا مش ثار سالم بروحه.

طلعت شال قديم إلهها وقالت: إتعدى علي وإللي يلمس شالي بالحرام لازم يبجي يوم والشال يتعبي بدماته، إسمه أسود المجديل عربيه شرق مغاوير الدبية، طلغوا الفرسان وقدامهم سالم وبعد كم يوم وصلوا وشافوه عرب خيرها كثيرة وخيلها قليلة عرفوا إنه إزلامها مش فيها يمكن طالعين غازيين مثل ما هو جابين غازيين، نزلوا وصاروا يهوشوا بالورعان والغلمان ويردوا الحريم على خدجانهن ولموا إللي لموه من حلال بعدينش وقف سالم وسأل عن خيمة أسود المجديل، طلعت بنته من خدجها وقالت: أبوي مريض وما يقدر يرد عليكم، قرب سالم وسحب أسود وقطع راسه عن رقبتة وغرق شال إمه بدماته، فهمت النسوان إنه أسود كاين متعدي على إم سالم، طلعت مرا ختيارة وقالت: يا ميمتي شرفك طهرتوا رجع إنا حلالنا وخذ بنت الأسود خدامة عند إمك، قال لها سالم: رح آخذن كلن وكل حلالن وورعانكم تا أراضني إمي وتصيروا كلن خدما.



## صدر حديثا

### رواية وردة أريحا

المؤلف : أسامة العيسة.

كتب الناشر على صفحة الغلاف الأخير للرواية التي تستكشف التقاليد في برّ القدس: "في عام ١٩٣٩، هوى على رأسها بآلته الحادة. واحدة من نساء هذا الجانب من المتوسط، الكثيرات اللواتي ما زلن يُقتلن منذ سنوات لا نعرف عددها.

صدرت عن مكتبة كل شيء في مدينة حيفا



### فراشات فلسطين

الاسم العلمي

**Plebejus Pylaon**

بليبيجيس بايلاون

